

唐千金類方

上海千頃堂書局發行
嚴如經署

後學三水黃恩榮幹南編述

三男 中醫藥學專門畢業 悌君校對
學生 廣州中醫藥大學醫藥專業 陳景山 覆校

膀胱腑脉論第一

膀胱虛實第二

胞囊論第三

三焦脉論第四 三焦亦六腑之一特附于膀胱門內

三焦虛實第五

霍亂第六

雜補第七

膀胱腑脉論第一

論膀胱腑

論曰膀胱者主腎也耳中是其候也腎合氣於膀胱膀胱者津液之腑也號水曹掾名玉海重九兩二銖左回疊積上下縱廣九寸受津液九升合兩邊等應二十四氣鼻空在外膀胱漏泄

黃帝曰夫五臟各一名一形腎乃獨兩何也歧伯曰膀胱為腑有二處腎亦二形應

腑有二處。臟名一。腑名二。故五臟六腑也。一說腎有左右。而膀胱無二。今用當以左腎合膀胱。右腎合三焦。

腎應骨。密理厚皮者。三焦膀胱厚。粗理薄皮者。三焦膀胱薄。腠理疏者。三焦膀胱緩。急皮而無毫皮者。三焦膀胱急。毫毛美而粗者。三焦膀胱直。稀毫毛者。三焦膀胱結也。

論膀胱病

扁鵲云。六腑有病。徹面形。腎膀胱與足少陰太陽為表裏。膀胱總通於五臟。所以五臟有疾。即應膀胱。膀胱經有疾。即應胞囊。傷熱則小便不通。膀胱急。尿苦黃赤。傷寒則小便數。清白。或發石。水根在膀胱。四肢小。其腹獨大也。方在治水篇中。即第十一卷水腫門治膀胱水方。

膀胱脹者。小腹滿而氣癢。

腎前受病。傳於膀胱。腎效不已。效則遺溺。

厥氣客於膀胱。則夢遊行。

病先發於膀胱者。背脊筋痛。小便閉。五日之腎。小腹腰脊痛。莖痠。一日之小腸脹。一日之脾。閉塞不通。身痛體重。二日不已。死。冬鷄鳴。夏下哺。一云日夕。

骨絕不治。齒黃落。十日死。

足太陽之脉起於目内眦上額交巔上其支者從巔至耳上角其直者從巔入絡腦還出別下項循肩膊内俠脊抵腰中入循膂絡腎屬膀胱其支者從腰中下會於後陰下貫膂入臍中其支者從臍内左右別下貫脾一作過髀樞循髀外後廉下合臍中以下貫膈内出外踝之後循京骨至小指外側是動則病衝頭痛目似脫項似拔脊痛腰似折髀不可以曲一作回臍如結膈如列是為蹠厥是主筋所生病者痔瘡狂癲疾頭腦項痛目黃淚出欬衄項背腰尻臍膕脚皆痛小指不用盛者則人迎大再倍於寸口虛者則人迎反小於寸口也

膀胱經刺法

左手關後尺中陽絕者無膀胱脉也病苦逆冷婦人月使不調王月則閉男子失精尿有餘瀝刺足少陰經治陰在足内踝下動脉是也

右手關後尺中陽絕者無子戶脉也病苦足逆寒絕產帶下無子陰中寒刺足少陰經治陰

左手關後尺中陽實者膀胱實也病苦逆冷脇下邪氣相引痛刺足太陽經治陽在足小指外側本節後陷中

右手關後尺中陽實者膀胱實也病苦少腹滿腰痛刺足太陽經治陽

膀胱病者。少腹偏腫而痛。以手按之。則欲小便而不得。肩髃熱。若脈陷。及足小指外側。及脛踝後皆熱。若脈陷。取委中。

左手尺中神門手少陰心經穴在掌後兌骨之端陷中以後脉陽實者足太陽經也病若逆滿腰中痛

不可俛仰勞也名曰勝脫實熱也

右手人中神門以後脉陽實者足太陽經也病苦胞轉不得小便頭眩痛煩滿脊背強名曰勝脫實熱也

方 治勝脫實熱

石膏八兩

梔子仁一作瓜仁

茯苓

知母各三兩

蜜五合

生地黄

淡竹葉各切一升

右七味咬咀以水七升煮取二升去滓下蜜煮二沸分三服須利加芒消三兩

勝脫為津液之腑熱實則津乾於下氣衝於上逆滿不得小便頭眩痛脊背強太陽經腑皆受病竹葉石膏知母梔子散風熱生地滋腎水茯苓利勝脫蜜糖潤臟腑微煮輕揚輕可去實須利加芒消以滑大腸為勝脫實熱分消之治法

方 治勝脫熱不已舌乾咽腫

升麻

大青各三兩

薔薇根白皮

射干

生玄參

黃蘗各四兩

蜜七合

右七味咬咀。以水七升。煮取一升。去滓下蜜。煮二沸。細細含之。

膀胱為津液之腑。熱實則津乾於下。火炎於上。舌乾咽腫。大青。別錄治大熱口瘡。解毒熱黃

蘗玄參。瀉陰火。升麻。本經治喉痛口瘡。射干。薔薇根。清咽喉。蜜糖。潤臟腑。微煮。輕揚。輕可去

實。細含。以通喉舌。為膀胱實熱清上之治法。七竅病口病第三。治膀胱熱不已。舌生瘡。亦用此方。名升麻煎。

膀胱虛冷

左手尺中神門以後脉陽虛者。足太陽經也。病苦脚中筋急。腹中痛引腰背。不可屈伸。轉筋。惡風偏枯。腰痛。外踝後痛。太陽脉出外踝之後。名曰膀胱虛冷也。

右手尺中神門以後脉陽虛者。足太陽經也。病苦肌肉振動。脚中筋急。耳聾。忽忽不聞。惡風。颼颼作聲。名曰膀胱虛冷也。

方 治膀胱冷。欬唾則有血。喉鳴喘息。

羊腎 一具 人參 玄參 桂心

芍藥 甘草 各三兩 茯苓 四兩 地骨皮

生薑 各五兩 白朮 六兩 黃耆 三兩

右十一味咬咀。以水一斗一升。先煮腎。減三升。去腎下藥。煮取三升。去滓。分

為三服。

膀胱為津液之腑。冷甚。欬逆有血。膀胱主氣。與肺合皮毛。冷則易欬。且喉鳴喘息下

寒上熱桂心生薑芎藭散風寒地骨玄參澤瀉附子三味
參白朮增氣液而效逆有血喉鳴喘息亦除

龍骨丸 治膀胱腎冷坐起欲倒目眩眩氣不足骨痿

龍骨

柏子仁

甘草

防風

乾地黄各五

桂心

禹餘糧

黃耆

茯苓

白石英各十

人參

附子

羌活

五味子

各六玄參

芎藭

山茱萸

磁石

杜仲

乾薑各八

右二十味末之蜜丸如梧子空腹酒服三十丸日二加至四十丸

膀胱為津液之腑冷甚坐起欲倒目眩眩氣不足骨痿下虛上盛龍骨丸桂心甘草
羌活芎藭防風散風寒玄參瀉陰火地黃山茱萸杜仲柏子仁潤腎五味子補腎精龍
骨磁石石英餘糧填骨髓乾薑附子溫經冷黃耆人參增氣液酒服溫行而坐起欲
倒目眩眩氣不足骨痿亦愈

方 治膀胱虛冷飢不欲飲食面黑如炭腰脇疼痛

磁石

六兩

黃耆

茯苓

各三

杜仲

五味子

各四

白朮

白石英

各五

右七味咬咀以水九升煮取三升分三服

膀胱為津液之腑。冷甚。飢不欲飲食。面黑如炭。腎臟論。黑為腎。面黑。目青。腎氣內傷。腰脇疼痛。下虛上盛。如上法減味。杜仲五味子。補腎精。磁石石英。填骨髓。茯苓。利水腑。黃耆白朮。增氣液。而飢不欲飲食。面黑如炭。腰脇疼痛。亦除。

方 治膀胱寒。小便數。漏精稠厚如米白泔。

赤雄雞腸兩具雞肫脰兩具乾地黄三分桑螵蛸 牡蠣

龍骨 黃連各四白石脂五分茯苓六分赤石脂五分

右十味治下篩。納雞腸及肫脰中。縫塞蒸之。令熟。暴乾。合搗為散。以酒和。方寸匕。日三服。

膀胱為津液之腑。冷甚。小便數。漏精稠厚如米白泔。下虛上盛。地黃茯苓。補腎精。黃連。清濕熱。龍骨牡蠣。赤白石脂。雞腸肫脰。桑螵蛸。止淋瀝。為散。酒服。溫行。而小便數。漏精稠厚如米白泔。亦除。

灸法

治膀胱灸之如腎虛法

胞囊論第三

論一首 灸法八首

方十六首

論曰胞囊者腎膀胱

經之

候也

膀胱在上胞囊在下

貯津液並尿若臟中熱病者胞澀小便不

通尿黃赤若腑有寒病則胞滑小便數而多白若至夜則尿偏甚者夜則內陰氣生

故熱則瀉之寒則補之不寒不熱依經調之則病不生矣

凡尿不在胞中為胞屈澀津液不通

巢源胞轉者由是胞屈澀其病臍下急痛小便不通由強忍小便或外襲寒熱水氣遠迫于胞

屈澀不得充張外水應入不入內以蔥葉除尖頭納陰莖孔中深三寸微用口吹之

胞脹津液大通便愈

胞痺澀熱

方二首

榆皮通滑泄熱煎

治腎熱應胞囊澀熱小便黃赤苦不通

榆白皮

葵子

各一升

車前子

五升

赤蜜一升

滑石

通草

各三兩

右六味㕮咀以水三斗煮取七升去滓下蜜更煎取三升分三服婦人難產

亦同此方

腎熱應胞胞痺澀熱小便黃赤苦不通榆皮通滑泄熱煎榆皮溲濕熱葵子滑石車

前通草利胞囊赤蜜潤臟腑而囊澀熱小便黃赤苦不通亦除婦人難產亦同此蓋

胎氣逼壓子宮胞系了戾少腹拘急不得溺致有此病但與滑利而產自易耳

滑石湯

治膀胱急熱小便黃赤。

滑石八兩

子芩三兩

榆白皮四兩

車前子

冬葵子各一升

右五味㕮咀。以水七升。煮取三升。分三服。

腎熱應胞。胞痺。急熱。小便黃赤。滑石湯。榆皮。合子芩。清濕熱。葵子。滑石。車前。利胞囊。而膀胱急熱。小便黃赤亦愈。

胞痺虛勞

方二首

方

治虛勞。尿白濁。

榆白皮切二斤。水二斗。煮取五升。分五服。

又方

搗乾羊骨末。服方寸匕。日二。

榆皮味甘平。本經利水道。除邪氣。久服斷穀不飢。故有虛勞。尿濁之效。羊骨性甘溫。治虛冷勞。又脾弱腎虛。不能攝精白濁。濟生方亦用此。

灸法

虛勞。尿白濁。灸脾輸一百壯。

又灸三焦輸百壯。

又灸腎輸百壯。

又灸章門百壯。在季肋端。

胞轉澀熱方五首

方 治胞轉。

榆白皮一升 石韋一兩

鬼箭三兩

滑石四兩

葵子

通草

甘草各一兩

右七味咬咀。以水一斗。煮取三升。分三服。

方 治丈夫婦人胞轉不得小便。八九日。

滑石

寒水石各一升

葵子一升

右三味咬咀。以水一斗。煮取五升。分三服。

腎熱應胞轉不得小便。仍用前滑石湯。榆皮合滑石葵子加石韋通草。清濕熱。變用鬼箭甘草。清瘀澀。次方專取滑石葵子加用寒水石。生津液。而胞轉不得小便亦除。

方 治胞轉。小便不得。

葱白四七

阿膠一兩

琥珀三兩

車前子一升

右四味咬咀。以水一斗。煮取三升。分三服。

又方

阿膠三兩水二升煮取七合頓服之

又方

麻子煮取汁頓服之

又方

酒和猪脂雞子大頓服之

腎熱應胞胞轉小便不得車前子合琥珀通瘀痺葱白利關竅變用阿膠滋血液又方專用阿膠或麻子猪脂潤臟腑而胞轉小便不得亦除

通治方

方凡飽食訖忍小便或飽食走馬或忍小便大走及入房皆致胞轉臍下急

滿不通治之

上亂髮急纏如兩拳大燒末醋四合和二方寸匕服之訖即炒熟黑豆葉蹲坐

此忍溺滯精因致胞轉氣鬱血結臍下急滿尤甚髮乃血餘其管極細中有孔竅燒末直走血分以通小便米醋黑豆葉均有逐血之助力

方治胞轉小便不得

鼓五合。以水三升煮數沸。頓服之。

方

燒死蜚螬二枚。末。水服之。

方

納白魚子莖孔中。

又方

連枷關燒灰。水服之。

又方

筆頭灰。水服之。

灸法

腰痛。小便不利。苦胞轉。灸玉泉七壯。穴在關元下一寸。大人從心下度取八寸。是玉泉穴。小兒斟酌以取之。

又灸第十五椎五十壯。

又灸臍下一寸。

又灸臍下四寸。隨年壯。

三焦脉論第四

論三焦腑

論曰夫三焦者一名而三關也上焦

開發衛氣走之慄悍滑疾周于一身循行中下焦名三管管同腕言上中下三腕

反射中焦

反射猶反擊即下霍亂于逆下焦名走哺便不通以其氣逆不續嘔吐

不禁故

名走哺合而為一有名無形義本難經主五臟六腑往還神道周身貫體可聞不可見和

利精氣決通水道

息氣在陽胃之間不可不知也三焦名中清之府經作中別號玉

海水道出屬膀胱合者雖合而不同上中下三焦同號為孤府

靈樞本輸篇三焦者中清之府也水道出

馬屬膀胱是孤之府也以其不附于臟故曰孤府即外府之義而榮出中焦衛出上焦榮者絡脉之氣道也衛者經

脉之氣道也其三焦形相厚薄大小並同膀胱之形云

幹南按巢源霍亂有三名一曰胃反言其胃氣虛逆反吐飲食也二曰霍亂言

其病揮霍之間便致繚亂也三曰走哺言其哺食變逆者也與此論微別

又按徐洄溪靈素之言三焦者不一皆歷歷言其文理厚薄與其出入貫布既

謂之府則明是藏畜泌瀉之具何得謂之無形但其周布上下包括臟腑非若

五腑之形各自成體故不得定其象然謂之無形則不可也

論三焦病

三焦氣盛有餘則

脹者氣滿于皮膚殼殼而不堅疼一云殼而堅

久效不已傳至三焦。效而腹滿。不欲飲食也。

論三焦經脈

手少陽之脈。起於小指次指之端。上出兩指之間。循手表腕。出臂外兩骨之間。上貫肘。循臑外上肩。而交出足少陽之後。入缺盆。交臑中。散絡心。胞下。膈。徧屬三焦。其支者。從臑中上出缺盆。上項。俠耳後。直上出耳上角。以屈下額至顙。其支者。從耳後入耳中。出走耳前。過客主人前。交頰。至目兌眦。是動則病耳聾。暈暈。瘈瘲。喉痺。是主氣所生病者。靈樞五癰津液別篇三焦出氣以溫肌肉。充皮膚為其津。其流而不行者為液。汗出。目兌眦痛。頰腫。耳後肩臑肘臂外皆痛。小指次指不用。為此諸病。泄衛氣盛則瀉之。虛則補之。熱則疾之。寒則留之。陽下則灸之。不盛不虛。以經取之。盛者人迎大再倍於寸口。虛者人迎反小於寸口也。

論三焦經刺法

三焦病者。腹脹氣滿。小腹尤堅。不得小便。窘急。溢則為水。留則為脹。候在足太

陽之外。大絡在太陽少陽

手少陽三焦

之間。亦見於脉。取委陽

靈樞本輸篇二焦下俞在手足大指之前。少陽之後。

出于臑中。外廉名曰委陽。是太陽絡也。手少陽經也。

小腹腫痛。不得小便。邪在三焦。約取太陽大絡。視其結脉。與厥陰小絡結而血者。腫上反胃管。取三里。